

DFF – Project Apsaros (პროექტი აპსაროსი)

მდებარეობა:	საქართველო
პროექტის ნომერი:	56905
ბიზნეს სექტორი:	სამშენებლო მასალა, ბაღის ხელსაწყოები და ინვენტარის მომწოდებლები
შეტყობინების ტიპი:	კერძო
გარემოს დაცვის კატეგორია:	B
დამტკიცების თარიღი:	2 დეკემბერი 2025
სტატუსი:	ხელმოწერილი
ინგლისური ვერსიის გაზიარების თარიღი:	17 დეკემბერი 2025
	<p>როგორც ეს ნებადართულია ინფორმაციის ხელმისაწვდომობის პოლიტიკის III ნაწილის 2.6 პუნქტით, ამ PSD-ის გაზიარება გადაიდო ინფორმაციის ხელმისაწვდომობის შესახებ დირექტივის 1.4.4 პუნქტის შესაბამისად</p> <p>ინფორმაციაზე წვდომის შესახებ დირექტივის 1.4.2 (iii) მუხლის თანახმად: „იმ პროექტებისთვის, რომლებიც დამტკიცებულია ბანკის მენეჯმენტის მიერ იმ შემთხვევებში, როდესაც დირექტორთა საბჭომ დამტკიცების უფლება მენეჯმენტს გადააბარა, PSD უნდა გამოქვეყნდეს ბანკის წევრ ქვეყანაში არაწინააღმდეგობის (no-objection) შეტყობინების პერიოდის დაწყებისთანავე, EBRD - ის ევროპის დამფუძნებელი შეთანხმების 13 (iii) მუხლის შესაბამისად.“</p>

პროექტის აღწერა

შპს ნოვას 50 მილიონი ლარის (16.0 მილიონი ევროს ეკვივალენტი) პირველი ადგილობრივი ობლიგაციების ემისიაში (შემდგომში „გამოშვება“, „ობლიგაცია“, „პროექტი“), 10 მილიონ ლარამდე (3.2 მილიონი ევროს ეკვივალენტი) ოდენობით მონაწილეობა.

პროექტის მიზნები

ობლიგაციებიდან მიღებული თანხა გამოყენებული იქნება არსებული საბანკო სესხების რეფინანსირების, კაპიტალური ხარჯებისა და საბრუნავი კაპიტალისთვის.

მოსალოდნელი გარდაქმნის ეფექტი

ETI ქულა: 60

მდგრადი: პროექტი ხელს შეუწყობს კაპიტალის ბაზრის განვითარებას საქართველოში EBRD-ის მონაწილეობით ადგილობრივი ვალუტის ობლიგაციებში, ადგილობრივი კაპიტალის ბაზრების განვითარების საწყის ეტაპზე. მოსალოდნელია, რომ ობლიგაცია, ძირითადად, კერძო, არასაერთაშორისო ფინანსური ინსტიტუტების ინვესტორებთან განთავსდება და EBRD ერთადერთი საერთაშორისო ფინანსური ინვესტორი იქნება. ობლიგაცია საჯაროდ იქნება შემოთავაზებული და განთავსდება საქართველოს ან თბილისის საფონდო ბირჟაზე და მიიღებს გარე საკრედიტო რეიტინგს.

კარგად მართული: ტრანზაქცია ხელს უწყობს გამჭვირვალობას და მართვას მარეგულირებელი გაზიარების სტანდარტების დანერგვით, მათ შორის, წელიწადში ორჯერ ანგარიშგებით.

ინფორმაცია კლიენტის შესახებ

შპს „ნოვა“

კლიენტი: შპს „ნოვა“

EBRD-ის დაფინანსების მოცულობა

10,000,000.00 ლარი.

პროექტის მთლიანი ღირებულება

50,000,000.00 ლარი.

დამატებითობა

პროექტში EBRD-ის დამატებითობა განპირობებულია, მისი როგორც წამყვანი ინვესტორის როლით საქართველოს ობლიგაციების ჩამოყალიბების პროცესში მყოფ ბაზარზე. EBRD-ის ჩართულობა ზრდის ნდობას ბუკბილდინგის პროცესის მიმართ და აფართოებს ბაზრის მონაწილეთა წრეს, რაც „ნოვას“ საშუალებას აძლევს, ამ სადებიუტო ემისიით მოახდინოს დაფინანსების წყაროების დივერსიფიკაცია და გააძლიეროს ფინანსური პოზიცია.

გარემოს დაცვისა და სოციალური საკითხები

მინიჭებული აქვს კატეგორია B (2024 ESP). პროექტი მოიცავს ობლიგაციების გამოშვებაში მონაწილეობას რეფინანსირებისთვის, საბრუნავი კაპიტალისა და კაპიტალური ხარჯებისთვის უკვე შექმნილ მიწაზე არსებული საწყობისთვის. შპს „ნოვა“ ოპერირებს სამრეწველო წარმოებისა და დისტრიბუციის სექტორებში. ხსენებული საქმიანობა მოიცავს პოლიმერის გამოყენებით შექმნილი პროდუქტების წარმოებას (მაგ., ექსტრუდირებული პოლისტიროლის (XPS) იზოლაცია, პლასტმასის ავზები, პოლიმერით მოდიფიცირებული ბეტონი), ლითონის დამუშავებას და მასშტაბურ სასაწყობე საქმიანობას. კლიენტი არის ბანკის RSF ჩარჩოს არსებული კლიენტი TBC Bank-თან.

გარემოს დაცვისა და სოციალური წინასწარი კვლევა (ESDD) ჩატარდა გარე კონსულტანტის ESDD ანგარიშის მიმოხილვის გზით, რომლის ფარგლებშიც შეფასდა Nova LLC-ის შესაბამისობა საქართველოს ეროვნულ კანონმდებლობასთან, შესაბამის ნებართვებთან და ლიცენზიებთან, ასევე IFC-ის შესრულების სტანდარტებთან (IFC PSs). ანგარიშის თანახმად, კლიენტს აქვს კარგად სტრუქტურირებული გარემოს დაცვისა და სოციალური მენეჯმენტი - დოკუმენტირებული პოლიტიკის, რისკების შეფასების პროცედურებისა და რეგულარული ტრენინგების ჩათვლით. კომპანიას მიღებული აქვს ძირითადი იურიდიული ნებართვები და არსებობს მტკიცებულება მიმდინარე მონიტორინგისა და საჭიროების შემთხვევაში მაკორექტირებელი ქმედებების შესახებ. თუმცა, არსებობს გარკვეული რისკებიც, მათ შორის, ფორმალიზებული ESMS-ის და შემდგომი მონიტორინგის ნაკლებობა; OHS შეუსაბამოები ინვიდუალურ დამცავ აღჭურვილობასთან დაკავშირებით; წერილობითი ანტიდისკრიმინაციული და GBVH პოლიტიკის არარსებობა; ენერჯის გამოყენებისა და რესურსების ეფექტიანობის შესახებ დოკუმენტაციის ნაკლებობა; ატმოსფერული ემისიების მონიტორინგის არარსებობა; ობიექტის მასშტაბით საგანგებო სიტუაციებზე რეაგირების გეგმების არარსებობა ადეკვატური საზოგადოებრივი ჩართულობით; და საშიში მასალების გაჟონვის კონტროლის დამატებითი მექანიზმების სისუსტე.

ეს დარჩენილი რისკები მოგვარდება კლიენტთან ერთად ESAP-ის მეშვეობით.

მწვანე შეფასება

განისაზღვრა, რომ პროექტი შესაბამისობაშია პარიზის შეთანხმების შერბილებისა და ადაპტაციის მიზნებთან, პირდაპირ დაფინანსებული ინვესტიციებისთვის EBRD-ის პარიზის შესაბამისობის მიდგომის გამოყენების საფუძველზე.

პროექტი შეესაბამება პარიზის შეთანხმების შერბილების მიზნებს, რადგან ის შედის მრავალმხრივი განვითარების ბანკების (MDB) შეთანხმებულ ერთობლივ სიაში „ნაკლებად ენერგო-ინტენსიური ინდუსტრიის“ კატეგორიაში. პროექტი შეესაბამება პარიზის შეთანხმების ადაპტაციის მიზნებს, რადგან არ არსებობს მნიშვნელოვანი ფიზიკური კლიმატური რისკები და არ ეწინააღმდეგება ადაპტაციის ან უფრო ფართო სისტემის კლიმატისადმი მდგრადობის ეროვნულ პოლიტიკას.

პროექტს არ უკავშირდება მწვანე დაფინანსების არცერთი კომპონენტი.

ტექნიკური თანამშრომლობა და მოზიდული საგრანტო რესურსები

ტექნიკური თანამშრომლობის კომპონენტებია: კორპორაციული მმართველობის სამოქმედო გეგმის განხორციელების მხარდაჭერა, დაფინანსებული SSF-ის მიერ, კლიენტის 20%-იანი თანამონაწილეობით.

კომპანიის საკონტაქტო ინფორმაცია

გიორგი ქამადაძე

g.kamadadze@nova.ge

+995 322 003 333

რ. აგლაძის ქ. 45, თბილისი, საქართველო

გარდაქმნის ეფექტი

დეტალური ინფორმაციის გაცნობა EBRD-ის გარდაქმნის ეფექტის გაზომვასთან დაკავშირებულ მიდგომაზე შესაძლებელია [აქ](#).

ბიზნეს შესაძლებლობები

ბიზნეს შესაძლებლობებისა და შესყიდვების თაობაზე დაუკავშირდით კლიენტ კომპანიას.

EBRD-თან ბიზნეს შესაძლებლობებთან დაკავშირებული ინფორმაციის მისაღებად (რაც არ უკავშირდება შესყიდვებს) დაუკავშირდით:

ტელ: +44 20 7338 7168

ელ. ფოსტა: projectenquiries@ebrd.com

სახელმწიფო სექტორის პროექტებზე ინფორმაციისთვის ეწვიეთ [EBRD Procurement](#).

ტელ.: +44 20 7338 6794

ელ. ფოსტა: procurement@ebrd.com

ზოგადი საკითხები

კონკრეტულ საკითხებთან დაკავშირებით ინფორმაციის მოთხოვნა შესაძლებელია [EBRD-ის ინფორმაციის მოთხოვნის ფორმის საშუალებით](#).

გარემოს დაცვისა და სოციალური საკითხების პოლიტიკა (ESP)

[ESP](#)-ითა და შესაბამისი შესრულების მოთხოვნებით (PR-ები) განსაზღვრულია EBRD-ის მიერ „გარემოს დაცვისა და მდგრადი განვითარების“ მიდგომის განხორციელების გზები. ESP და PR-ები მოიცავს კონკრეტულ დებულებებს, რომ კლიენტებმა დაიცვან ეროვნული კანონმდებლობის შესაბამისი მოთხოვნები საჯარო ინფორმაციისა და კონსულტაციების შესახებ, ასევე, შექმნან საჩივრების მექანიზმი დაინტერესებული მხარეების მხრიდან საკითხის წამოჭრის, საჩივრების მიღებისა და მართვის მიზნით, უფრო კონკრეტულად, კლიენტისა და პროექტის გარემოს დაცვისა და სოციალურ საქმიანობასთან დაკავშირებით. პროექტის ეკოლოგიური და სოციალური რისკებისა და ზემოქმედების ბუნებისა და მასშტაბის შესაბამისად, EBRD დამატებით მოითხოვს კლიენტებისაგან, რომ მათ, საჭიროებისამებრ, გააზიარონ ინფორმაცია პროექტების შედეგად წარმოქმნილი რისკების და ზემოქმედების შესახებ, ან ჩაატარონ არსებითი კონსულტაციები დაინტერესებულ მხარეებთან და განიხილონ და რეაგირება მოახდინონ მიღებულ უკუგებაზე.

დეტალური ინფორმაცია EBRD-ის საქმიანობასთან დაკავშირებით მოცემულია [ESP](#)-ში.

ერთიანი მიდგომა და სტანდარტების დაცვა

EBRD-ის მთავარი შესაბამისობის ოფიცრის ოფისი (OCCO) ხელს უწყობს კარგ მმართველობას და უზრუნველყოფს ბანკის საქმიანობის პროცესში უმაღლესი სტანდარტების შესრულებას საუკეთესო საერთაშორისო გამოცდილების გათვალისწინებით. ბანკის ყველა კლიენტის შემთხვევაში ტარდება კომპლექსური ტექნიკური კვლევა იმისათვის, რომ პროექტებმა არ შექმნან პრინციპების დარღვევის, ან რეპუტაციის შელახვის რისკი ბანკისათვის. ბანკი თვლის, რომ პრობლემების იდენტიფიცირება და მოგვარება პროექტის შეფასების ეტაპზე, ყველაზე ეფექტური საშუალებაა საბანკო ტრანზაქციების მთლიანობის უზრუნველსაყოფად. OCCO გადამწყვეტ

როლს ასრულებს დამცავი ზომების გატარების პროცესში და ასევე, ხელს უწყობს პროექტებში ინვესტიციების განხორციელების შემდგომი რისკების მონიტორინგს.

OCCO ასევე პასუხისმგებელია თაღლითობის, კორუფციის და არასათანადო ქცევის შემთხვევების გამოძიებაზე EBRD-ის მიერ დაფინანსებულ პროექტებში. ნებისმიერმა ადამიანმა, ბანკის შიგნით თუ მის გარეთ, რომელსაც გაუჩდება ეჭვი თაღლითობასთან ან კორუფციასთან დაკავშირებით, წერილობითი ანგარიში უნდა გაუგზავნოს მთავარ შესაბამისობის ოფიცერს ელექტრონულ მისამართზე compliance@ebrd.com. თითოეულ ასეთ შემთხვევაში, OCCO დაიწყებს მოკვლევას. მოხდება თითოეული ანგარიშის, მათ შორის ანონიმურის, განხილვა. ანგარიში შეიძლება დაიწეროს ბანკის რომელიმე სამუშაო ენაზე, ან იმ ქვეყნის ენაზე, სადაც ბანკი საქმიანობს. ბანკისათვის ინფორმაციის მიწოდება უნდა მოხდეს კეთილსინდისიერად.

ინფორმაციაზე წვდომის პოლიტიკა (AIP)

ინფორმაციაზე წვდომის პოლიტიკის დოკუმენტით, რომელიც ძალაში შევიდა 2020 წლის 1 იანვარს, განსაზღვრულია EBRD-ის მიერ ინფორმაციის გაზიარებისა და დაინტერესებულ მხარეებთან კონსულტაციის წარმოების გზები, ცნობიერების ამაღლებისა და ბანკის სტრატეგიის, პოლიტიკისა და ოპერაციების უკეთ გააზრების ხელშეწყობის მიზნით. EBRD-ის ვებგვერდზე ხელმისაწვდომი ინფორმაციის სანახავად, გთხოვთ, ეწვიოთ [ინფორმაციაზე წვდომის პოლიტიკის გვერდს](#).

კონკრეტული ინფორმაციის მოთხოვნა შესაძლებელია [EBRD-ის ინფორმაციის მოთხოვნის ფორმის გამოყენებით](#).

პროექტის ანგარიშვალდებულების დამოუკიდებელი მექანიზმი (IPAM)

თუ კლიენტთან, ან ბანკთან, გარემოს დაცვის, სოციალური ან საჯაროობის პრობლემების მოგვარების მცდელობა წარუმატებელია (მაგ., კლიენტის მიერ პროექტის დონის საჩივრების მექანიზმის საშუალებით, ან ბანკის მენეჯმენტთან უშუალო კომუნიკაციის გზით), ინდივიდებსა და ორგანიზაციებს შეუძლიათ მიმართონ EBRD-ის პროექტის ანგარიშვალდებულების დამოუკიდებელ მექანიზმს (IPAM).

IPAM დამოუკიდებელად განიხილავს პროექტის ირგვლივ წამოჭრილ იმ საკითხებს, რომლებმაც გამოიწვიეს, ან შესაძლოა, გამოიწვიონ ზიანი. მექანიზმის მიზანია - პროექტის დაინტერესებულ მხარეებს შორის დიალოგის ხელშეწყობა გარემოს დაცვის, სოციალური და საჯაროობის საკითხების გადასაჭრელად; ასევე, იმის დადგენა, არის თუ არა ბანკი შესაბამისობაში [გარემოს დაცვით და სოციალური პოლიტიკისა და ინფორმაციის ხელმისაწვდომობის პოლიტიკის](#) კონკრეტულ პროექტთან დაკავშირებულ დებულებებთან; და სადაც ეს რელევანტურია, აღნიშნულ პოლიტიკის დოკუმენტებთან ნებისმიერი შეუსაბამობის აღმოფხვრა და ბანკის მიერ მომავალი შეუსაბამობის თავიდან აცილება.

გთხოვთ, ეწვიოთ [პროექტის ანგარიშვალდებულების დამოუკიდებელი მექანიზმის ვებგვერდს](#). IPAM-ისა და მის მანდატის შესახებ მეტი ინფორმაციის მისაღებად, ასევე, იმის დასადგენად, თუ

როგორ უნდა [წარადგინოთ მოთხოვნა](#) განსახილველად; ან დაუკავშირდით IPAM-ს ელ.ფოსტით ipam@ebrd.com, რომ მიიღოთ ინსტრუქცია და ინფორმაცია IPAM–ისა და მოთხოვნის გაგზავნის შესახებ.